

## (H.) Nga Purei Moni.

(Tekiona 16, Wahanga-tekiona 15.)

26. Ko te tangata, ahakoa he Maori he aha ranei, e hiahia ana ki te whakatu whare pirote ki roto i tetahi kainga Maori, a ko te tangata Maori e hiahia ana ki te whakatu whare pirote ki tetahi atu wahi i roto i te takiwa, haunga ia nga taone (engari nga rota Maori i roto i nga taone) me nga kainga Pakeha, me whiwhi i te tuatahi ki te raihana a te Kaunihera, ma te Kaunihera e whakaputa i runga i nga tikanga e whai ake nei :—

(a.) Ko taua raihana me penei i te Ahua E e mau nei i te Kupu Apiti.

(b.) Ko te utu mo taua raihana kia tekau pauna.

(c.) Ko te wa e mana ai taua raihana kia kotahi tau i muri iho i te ra i tuhia ai (haunga ia mehemea ka whakakoreea e te Kaunihera i runga i nga tikanga i raro iho nei).

(d.) Ko nga whare pirote me hanga kia whai huarahi mo te hau ki roto ki waho, a me ata tiaki pai kia kaua e paru.

(e.) Me puarenga whare pirote i nga ra noa o te wiki, i waenganui i te 9 o nga haora o te ata me te 10 o nga haora o te po. Ko te tangata e takahi ana i tenei paero, ka ahei kia whainatia ia ki te moni kia kaua e neke atu i te kotahi pauna mo te hara tuatahi, kia kaua e neke atu i te rua pauna mo te hara tuarua, a ki te hara i muri iho e ahei ana kia whakakoreea tona raihana.

(f.) E kore e pai kia tukua tetahi tamaiti Maori, kaore nei ano i eke nga tau ki te tekau-ma-rima, kia purei pirote i roto i tetahi whare pirote whai raihana, a mehemea ka kitea e purei ana i reira, ka ahei kia whainatia te tangata i a ia te raihana, te tangata ranei e tiaki ana i te whare pirote, ki te moni kia kaua e neke atu i te rima pauna mo te hara tuatahi, a mo te hara tuarua ka ahei te Kaunihera ki te whakakore i te raihana.

(g.) Ki te hiahia kia whakahoutia te raihana me tuku mai te tomo i mua atu o te wa e mutu ai te mana o te raihana.

27. Ko te tamaiti Maori kaore nei ano nga tau i eke ki te tekau-ma-rima e kitea ana e purei pirote ana, ahakoa i hea, ka ahei kia whainatia ki te moni kia kaua e neke atu i te rima hereni mo te hara tuatahi, kia kaua e neke atu i te tekau hereni mo te hara tuarua, kia kaua e neke atu i te kotahi pauna mo ia haranga o muri iho.

28. Ko te tangata nana tetahi whare pirote, teepu pirote ranei i roto i tetahi kainga Maori, a ko te tangata Maori nana tetahi whare pera, teepu pera ranei i tetahi atu wahi i roto i te takiwa, haunga ia nga taone (engari nga rota Maori i roto i tetahi taone Maori) me nga kainga Pakeha, mehemea kaore ia i whiwhi i te raihana a te Kaunihera, ka ahei kia whainatia ia ki te moni kia kaua e neke atu i te ruatекau-ma-rima pauna.

29. Ko te tangata e kitea ana e purei moni ana, ahakoa he purei kaari, ko etahi atu takaro ranei i roto o te rohe o tetahi kainga Maori, ka ahei kia whainatia ia ki te moni kia kaua e neke atu i te tekau hereni mo te hara tuatahi, kia kaua e neke atu i te kotahi pauna mo te hara tuarua, kia kaua e neke atu i te rua pauna mo ia haranga o muri iho.

30. Ko te tangata nona tetahi whare, e noho ana ranei i roto i tetahi whare i roto i tetahi kainga Maori, mehemea e tukua ana, e whakaaetia ana ranei e ia te purei moni ki roto ki taua whare, ka ahei kia whainatia ki te moni kia kaua e neke atu i te kotahi pauna mo te hara tuatahi, kia kaua e neke atu i te rua pauna mo te hara tuarua, kia kaua e neke atu i te rima pauna mo ia haranga o muri iho.

## TE KUPU APITI.

Ahua A.

(Paero Nama 5.)

Ki a [Ingoa],  
[Kainga].

TENA KOE. He tono atu tenei ki a koe, kia hangaia he puroa, me rewa ake i te whenua, mo to whare i roto i nga ra e i muri iho o te taenga atu o tenei panui ki a koe, kia rite ki te whakaaro o te Kaunihera [o te Komiti Marae ranei] o tana tangata ranei i whakamana ai. A he whakatupato atu tenei ki a koe, mehemea i muri iho i te taenga atu o tenei panui ki a koe, ka kore koe e whakarite i taua whakahau i roto i te wa kua kia ake ra, e ahei ana kia whainatia koe kia utu i te moni, kaua e neke atu i te kotahi pauna.

I tuhia i te o nga ra o , 19 .  
[Hiiri.] , Tiamana [Karaka ranei] o te Kau-nihera [o te Komiti Marae ranei].

## Ahua B.

(Paero Nama 7.)

Ki a [Ingoa],  
[Kainga].

TENA KOE. He tono atu tenei ki a koe kia hangaia he moenga mo to whare kia kaua e papaku iho i te kotahi putu

ki runga ake o te oneone, i roto i nga ra e i muri iho i te taenga atu o tenei panui ki a koe. A he whakatupato atu tenei ki a koe, mehemea, i muri iho i te taenga atu o tenei panui ki a koe, ka kore koe e whakarite i taua whakahau i roto i te wa kua kia ake ra, e ahei ana kia whainatia koe kia utu i te moni kia kaua e neke atu i te kotahi pauna.

I tuhia i te o nga ra o , 19 .  
[Hiiri.] , Tiamana [Karaka ranei] o te Kau-nihera [o te Komiti Marae ranei].

## Ahua C.

(Paero Nama 8.)

Ki a [Ingoa],  
[Kainga].

TENA KOE. He tono atu tenei ki a koe kia whakapaia, kia meatia ranei e koe kia whakapaia to whare i roto i nga ra e i muri iho i te taenga atu o tenei panui ki a koe. A he whakatupato atu tenei ki a koe, mehemea, i muri iho i te taenga atu o tenei panui ki a koe, ka kore koe e rongo, ka turi ranei koe i roto i te takiwa i whakaritea ki te whakatutuki i te whakahau a tenei panui, tera koe e whainatia kia utu i te moni kia kaua e neke atu i te kotahi pauna.

I tuhia i te o nga ra o , 19 .  
[Hiiri.] , Tiamana [Karaka ranei] o te Kau-nihera [o te Komiti Marae ranei].

## Ahua D.

(Paero Nama 22.)

RAIHANA HOOKA.

KIA mohio koutou kua whakamanaia a , he tangata harihari taonga hei hokohoko, ki te hoko haere i ana taonga i roto i nga kainga Maori c te takiwa o te Kaunihera o mo te tau kotahi timata atu i tenei ra.

I tukua i raro i te hiri o te Kaunihera Maori o [Hiiri.] te Takiwa Maori o , i te o nga ra o , 19 .  
, Tiamana [Karaka ranei] o te Kau-nihera o

## Ahua E.

(Paero Nama 26.)

KIA mohio nga tangata katoa kua whai raihana a ki te whakahaere i tetahi whare pirote i mo te tau kotahi i muri iho i te ra o tenei raihana, i raro i te mana o nga paero a te Kaunihera.

I tukua i raro i te hiri o te Kaunihera Maori o [Hiiri.] te Takiwa Maori o , i te o nga ra o , 19 .

I paahitia enei Paero i te hui o te Kaunihera Maori o te Takiwa Maori o Raukawa, i tu ki Poneke, i te wha o Oketopa, 1910, a i tukua atu i raro i te hiri o te Kaunihera.

(L.S.)

ERUERA NEKETINI,  
Tiamana.

Ina hoki te hainatanga a te Kawana i tenei ra, te ono o nga ra o Oketopa, tau kotahi mano e iwa rau tekau.

J. CARROLL,  
Minita mo nga Mea Maori.

*By-laws of the Raukawa District Maori Council, under the Maori Councils Act, 1900, approved.*

Native Minister's Office,

Wellington, 6th October, 1910.

IT is hereby notified that His Excellency the Governor has been pleased to approve of the following by-laws made by the Maori Council of the Raukawa Maori District, under the provisions of section sixteen of the Maori Councils Act, 1900, and amendments.

J. CARROLL,  
Minister of Native Affairs.

Approved.

ISLINGTON, Governor.

THE MAORI COUNCIL OF THE RAUKAWA MAORI DISTRICT.

BY-LAWS.

THE Maori Council of the Raukawa Maori District, constituted under the Maori Councils Act, 1900, hereby revokes all by-laws heretofore made by that Council, and in lieu thereof hereby makes the following by-laws under and by virtue of the said Act and its amendments, such by-laws to come into operation upon approval thereof by the Governor and the publication of the same in the *Gazette* and *Kahiti*:—

*Interpretation.*

In these by-laws, except when inconsistent with the context, or when otherwise expressly provided, the following expressions shall have the meanings attached thereto:—